



VÕROKEELINE XX LUULÕLUGÕMISVÕISTLUS ARTUR ADSONI AVVUS

Võrokeelidse luulõ lugõmisõ võistlusõl võiva luulõtuisi lukõ kõiki Vana-Võromaa kuulõ ja latsiaidu eri vannusõn latsõ. Egä kooli/latsiaia lugõja kand ette üte pala - Artur Adsoni luulõtusõ vai mõnõ tõõsõ kirotaja võrokiilse luulõtusõ. Lugõmisõ pikkus ei või olla üle viie minodi. Hindaminõ käü nellä vannusõrühmä perrä: latsiaid-I kl, II-IV kl, V-IX kl, X-XII kl. Ku latsiaia-iäliidsi olõ-i, sõs om vannusõrühmäs I-IV klass. Egäst latsiaiaist vai koolist oodami ekkä vannusõrühmä ütte ütsikut esinejät vai kooni 5-liikmõga rühmä. Ütest koolist vai latsiaiaist ei saa võistlusõlõ tulla mitu üte vannusõrühmä kavva. Luulõtus piässi olõma pään, mitte paprõ päält loetu.

Artur Adsonilõ (1889-1977) pühendet umakeelidse loomingu ettekandmisõ võistlusõ mõtõ om edimäst suurt võrokeelist luulõtajat miilde tulõta ja lukõ tõisigi kiränikõ võrokiilset loomingu. Edimäne luulõvõistlus oll Sännän 1999. aastagal Artur Adsoni 110. sünnüaastapäävä avvus. Olu sundsõva tegemä XIX luulõlugõmise video-vormin ja võistlustõie esitämise jaos luudi Sännä trubaduuri nimeline YouTube kannal https://www.youtube.com/results?search_query=sannatrubaduur

Koolõn ni latsiaiuun võissi inne umaette võistulugõmisõ tetä, validen vällä kõgõ parõmba lõppvõistlusõl esinejä.

LUULÕLUGÕMISVÕISTLUS om neläpäävä,
LEHEKUU **12. PÄÄVÄL (12.05) 2022** kell **12.00**
Sännä kultuurimõisan.

Hää luulõlugõja saava avvuhinna.

Pallõmi osavõtust (lugõja nimi, vannus/klass ja kuul/latsiaid ni oppaja nimi, luulõtusõ päälkiri ja kirotaja) teedä anda Võro Instituuti (tel 78 28753/56 916281 vai meili tia.allas@wi.ee pääle) ildampa **9. 05. 2022**.

Kõrraldaja:
Võro Instituut

Ettevõtmist tugõva: MTÜ Sännä Kultuurimõis
Eesti Kultuurkapital
Rõugõ vald